

porezne obveznike, koji se odnose na period za koji je poslodavac/ isplatilac Poreznoj upravi već dostavio obrazac MIP - 1023, za isti porezni period.

Ukoliko se poslodavcu/isplatiocu ukaže potreba za ispravkom odnosno izmjenom podataka o uplaćenim doprinosima i poreza za više zaposlenika/poreznog obveznika, potrebno je sačiniti i predati Poreznoj upravi više obrazaca PMIP - 1024, tj. za svakog zaposlenika/poreznog obveznika posebno.

U slučajevima kad centri za socijalni rad ili općinske službe za socijalnu zaštitu ili zavodi vrše isplatu naknada (naknada za bolovanje, naknada za porodiljsko odsustvo, naknada roditeljima njegovateljima) korisnicima/poreznim obveznicima, a predali su MIP-1023 za svoje zaposlenike, dostavit će PMIP-1024 posebno za korisnike naknada.

Poslodavac će označiti operaciju "Izmjena podataka za već predate izvještaje MIP-1023 o zaposleniku", u slučajevima naknadnog otkrivanja grešaka u bilo kom dijelu 2 već predatih obrazaca MIP-1023:

- neunošenja ili nepravilnog unošenja u obrazac MIP1023 raznih naknada ili koristi od nesamostalne djelatnosti;
- naknadnog obračuna i isplate dijela plaće/naknade i uplate odnosnih doprinosa i poreza na dohodak za odgovarajući porezni period za koji su već isplaćene plaće/naknade i uplaćeni doprinosi i porez na dohodak;
- kada poslodavac, po osnovi tužbe zaposlenika i presude suda, naknadno isplati dio zaostalih plaća i uplati odnosni iznos doprinosa i poreza na dohodak, za koje je već predat obrazac MIP-1023;
- Izmjena finansijskih i nefinansijskih podataka u dijelu 2 obrasca MIP-1023 koji je ranije predat i poslan fondovima. Pod nefinansijskim podacima u dijelu 2 podrazumijevaju se polja: 6, 7, 21, 22 i 23 obrasca MIP-1023. Nije dozvoljena izmjena polja 3) JMB u dijelu 2. obrasca MIP-1023 ovom operacijom.

Polja u obrascu PMIP-1024 popunit će se na način da se unesu tačni podaci za odnosni period, kao da prethodni podaci nisu ni dostavljeni Poreznoj upravi Federacije BiH.

Za slučaj razlike na više, poslodavac će prethodne podatke sabrati sa novim, te na obrascu PMIP-1024 dostaviti ukupni iznos.

Za slučaj razlike na manje, poslodavac će prethodne podatke oduzeti od novih, te na obrascu PMIP-1024 dostaviti razliku ta dva iznosa.

Podaci uneseni u PMIP-1024 zamijenit će već dostavljene podatke na obrascu MIP-1023 od istog poslodavca, za određenog zaposlenika/poreznog obveznika i odgovarajući porezni period."

Član 9.

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj 05-02-2-4431/21-3
Marta 2022. godine
Sarajevo

Ministrica
Jelka Milićević, s. r.

FINANSIJSKO-INFORMATIČKA AGENCIJA

440

Na osnovu člana 16. stav (2) Zakona o Finansijsko-informatičkoj agenciji ("Službene novine Federacije BiH", broj 80/11), na prijedlog direktorice Finansijsko-informatičke agencije, Upravni odbor Finansijsko-informatičke agencije, na 16. sjednici održanoj dana 29.12.2021. godine, donosi

ODLUKU O VISINI NAKNADA ZA USLUGE IZ DJELOKRUGA RADA FINANSIJSKO-INFORMATIČKE AGENCIJE

I.

(Predmet)

Ovom odlukom utvrđuje se visina naknada za usluge iz djelokruga rada Finansijsko-informatičke agencije (u daljem tekstu: Agencija) koje se naplaćuju u skladu sa članom 4. stav (2) Zakona o Finansijsko-informatičkoj agenciji ("Službene novine Federacije BiH", broj 80/11) (u daljem tekstu: Zakon), Zakonom o Registru finansijskih izvještaja ("Službene novine Federacije BiH", broj 7/21) (u daljem tekstu: Zakon o Registru) i uslovima utvrđenim ovom odlukom.

ADMINISTRATIVNO-TEHNIČKE USLUGE

II.

(Visina naknada za usluge blokiranih računa, neaktivnih računa, depozita i način naplate)

- (1) Visina naknada za usluge blokiranih računa, neaktivnih računa i depozita do iznosa koji postoji na računu utvrđuje se u iznosima:

Redni broj	Opis usluge	Visina naknade
1.	Vodjenje evidencije blokiranih računa, neaktivnih računa i depozita mjesečno po računu/depozitu	5,00 KM
2.	Isplata sa blokiranih računa, depozita i salda neaktivnog računa	50,00 KM
3.	Izdavanje potvrda o deblokadi računa	10,00 KM

- (2) Naplata usluga iz stava (1) pod rednim brojem 1. ove tačke, vrši se tromjesečno i pri konačnoj isplati sa blokiranog računa ili depozita, a za ostale usluge iz stava (1) ove tačke naplata se vrši prije izvršenja usluge.

III.

(Visina naknada za usluge davanja podataka iz arhive Zavoda za platni promet u Federaciji BiH i način naplate)

- (1) Visina naknada za usluge davanja podataka iz arhive Zavoda za platni promet u Federaciji BiH utvrđuje se u iznosima:

Redni broj	Opis usluge	Visina naknade
1.	Listing dnevnog prometa računa ili izvod	5,00 KM
2.	Listing godišnjeg prometa računa	100,00 KM
3.	Prepis naloga za plaćanje	5,00 KM
4.	Prepis drugih dokumenata	10,00 KM

- (2) Naknade za usluge iz stava (1) ove tačke naplaćuju se prije davanja podataka.

IV.

(Visina naknada za usluge iz Jedinstvenog registra računa poslovnih subjekata i način plaćanja)

- (1) Visina naknada za usluge iz Jedinstvenog registra računa poslovnih subjekata utvrđuje se u iznosima:

Redni broj	Opis usluge	Visina naknade
1.	Izvod o glavnom računu	5,00 KM
2.	Izvod o otvorenim računima	10,00 KM
3.	Izvod o likvidnosti (period do tri mjeseca)	15,00 KM
4.	Izvod o likvidnosti (period do šest mjeseci)	20,00 KM
5.	Historijski izvod o promjenama računa (vremenska serija tri godine)	30,00 KM
6.	Jedan upit preko WEB servisa za banke	0,10 KM
7.	Paušalna mjesečna naknada za banke do 1.000 računa	100,00 KM
8.	Paušalna mjesečna naknada za banke od 1.000 računa do 10.000 računa	300,00 KM
9.	Paušalna mjesečna naknada za banke preko 10.000 računa	500,00 KM

- (2) Naknade za usluge iz stava (1) ove tačke, osim za usluge od rednog broja 6. do rednog broja 9., uplaćuju se na račun Agencije prije preuzimanja izvoda.
- (3) Izuzetno, usluga-informacija o glavnom računu putem web portala Agencije neće se naplaćivati.

V.

(Visina naknada za usluge prijema, kontrole, ispravke, zbirne obrade i čuvanja finansijskih izvještaja i drugih dokumenata obveznika izvještavanja i način uplate)

- (1) Visina naknada za usluge prijema, kontrole, ispravke, zbirne obrade i čuvanja finansijskih izvještaja i drugih dokumenata obveznika izvještavanja utvrđuje se u iznosima:

Redni broj	Opis usluge	Visina naknade
1.	Finansijski izvještaj i drugi dokumenti (godišnji, likvidacioni, konsolidovani) u pisanoj i elektronskoj formi	70,00 KM
2.	Revizorski izvještaj u pisanoj formi	50,00 KM

- (2) Naknade za usluge iz stava (1) ove tačke uplaćuju se na račun Agencije prije predaje finansijskog izvještaja i drugih dokumenata, odnosno revizorskog izvještaja.

USTUPANJE PRAVA NA KORIŠTENJE PODATAKA IZ REGISTRA FINANSIJSKIH IZVJEŠTAJA

VI.

(Visina naknada za usluge izdavanja prepisa finansijskih izvještaja i drugih dokumenata i način plaćanja)

- (1) Visina naknada za usluge izdavanja prepisa finansijskih izvještaja i drugih dokumenata utvrđuje se u iznosima:

Redni broj	Opis usluge	Visina naknade
1.	Prepis jednog predatog finansijskog izvještaja i drugih dokumenata u pisanoj formi (godišnji, polugodišnji, likvidacioni, konsolidovani, revizorski i drugi dokumenti)	70,00 KM
2.	Prepis jednog predatog finansijskog izvještaja i drugih dokumenata u elektronskoj formi (godišnji, polugodišnji, likvidacioni, konsolidovani, revizorski i drugi dokumenti)	50,00 KM
3.	Prepis jednog predatog finansijskog izvještaja i drugih dokumenata obveznika izvještavanja u pisanoj formi (godišnji, polugodišnji, likvidacioni, konsolidovani, revizorski i drugi dokumenti)	50,00 KM
4.	Prepis jednog predatog finansijskog izvještaja i drugih dokumenata obvezniku izvještavanja u elektronskoj formi (godišnji, polugodišnji, likvidacioni, konsolidovani, revizorski i drugi dokumenti)	30,00 KM

- (2) Naknade za usluge iz stava (1) ove tačke uplaćuju se na račun Agencije prije preuzimanja prepisa finansijskog izvještaja i drugih dokumenata.

VII.

(Visina naknada za usluge ustupanja prava na korištenje podataka iz Registra finansijskih izvještaja i način uplate)

- (1) Visina naknada za usluge ustupanja prava na korištenje podataka iz Registra finansijskih izvještaja utvrđuje se na osnovu iskazanih bodova po podatku.
- (2) Visina novčane vrijednosti boda iznosi 1,00 KM.
- (3) Ukupna visina naknade za ustupanje prava na korištenje podataka izračunava se kao umnožak broja podataka, jedinične naknade u bodovima i visine novčane vrijednosti boda.
- (4) U smislu ove tačke, podatkom se smatra svaka pojedinačna pozicija iz finansijskih izvještaja i drugih dokumenata iz Registra finansijskih izvještaja, neophodna za sačinjavanje izbora podataka za koji se ustupa pravo na korištenje.
- (5) Visina naknada za usluge ustupanja prava na korištenje podataka iz Registra finansijskih izvještaja utvrđuje se u sljedećim jediničnim bodovnim vrijednostima:

Način ustupanja podataka	Raspon izbora podataka	Svrha ustupanja podataka		
		Naučno-istraživačka obrada	Statistička obrada i prezentacija	Komercijalna obrada
		Bodova po podatku	Bodova po podatku	Bodova po podatku
Ustupanja prava na korištenje standardnog izbora podataka u masovnom ustupanju	<= 50.000			0,300
	50.001-100.000			0,275
	100.001-300.000			0,250
	300.001-500.000			0,225
	500.001-700.000	Nije dostupno	Nije dostupno	0,200
	700.001-1.000.000			0,175
	>1.000.000			0,150
Ustupanja prava na korištenje standardnog izbora podataka u pojedinačnom ustupanju	<= 50.000			0,375
	50.001-100.000			0,344
	100.001-300.000			0,313
	300.001-500.000			0,281
	500.001-700.000			0,250
	700.001-1.000.000			0,219
	>1.000.000			0,188
Ustupanja prava na korištenje posebnog izbora podataka u masovnom ustupanju	<= 50.000	0,039	0,078	0,469
	50.001-100.000	0,036	0,072	0,430
	100.001-300.000	0,033	0,065	0,391
	300.001-500.000	0,029	0,059	0,352
	500.001-700.000	0,026	0,052	0,313
	700.001-1.000.000	0,023	0,046	0,273
	>1.000.000	0,020	0,039	0,234
Ustupanje prava na korištenje posebnog izbora podataka u pojedinačnom ustupanju	<= 50.000	0,049	0,098	0,586
	50.001-100.000	0,045	0,090	0,537
	100.001-300.000	0,041	0,081	0,488
	300.001-500.000	0,037	0,073	0,439
	500.001-700.000	0,033	0,065	0,391
	700.001-1.000.000	0,028	0,057	0,342
	>1.000.000	0,024	0,049	0,293

- (6) Korisnicima usluga iz člana 9. stav (4) tačka b) Pravilnika o uslovima i postupku ustupanja prava na korištenje podataka iz Registra finansijskih izvještaja ("Službene novine Federacije BiH", broj 105/21), a koji uz zahtjev prilože potvrdu visokoškolske ustanove naknada za naučno-istraživačku obradu neće se naplaćivati.

- (7) Naknade za usluge iz ove tačke uplaćuju se u cjelosti na račun Agencije prije preuzimanja podataka.

VIII.

(Visina naknade za davanje informacije u pisanoj formi obvezniku izvještavanja u vezi predaje finansijskih izvještaja i način plaćanja)

- (1) Visina naknade za davanje informacije u pisanoj formi obvezniku izvještavanja u vezi predaje finansijskih izvještaja utvrđuje se u iznosu:

Redni broj	Opis usluge	Visina naknade
1.	Informacija u pisanoj formi	10,00 KM

- (2) Naknada za usluge iz stava (1) ove tačke uplaćuje se na račun Agencije prije preuzimanja informacije.

OSTALE USLUGE

IX.

(Visina naknada za usluge analiza i način plaćanja)

- (1) Visina naknada za usluge analiza utvrđuje se u iznosima:

Redni broj	Opis usluge	Visina naknade
1.	Potvrda o ocjeni boniteta	50,00 KM
2.	Standardni pregled o ocjeni finansijskog poslovanja pravnog lica	150,00 KM
3.	Standardni pregled finansijskih rezultata poslovanja u privredi	100,00 KM
4.	Standardni pregled finansijskih rezultata poslovanja privredne grane	70,00 KM
5.	Standardni pregled finansijskih rezultata poslovanja djelatnosti	50,00 KM

- (2) Naknade za usluge iz stava (1) ove tačke uplaćuju se na račun Agencije prije preuzimanja analiza.
- (3) Sve ostale usluge Agencije koje nisu navedene u ovoj odluci izvršavaju se po posebnom zahtjevu i predmet su posebne odluke direktora Agencije, u skladu sa članom 12. stav (1) tačka 3. Zakona.

IZUZEĆA OD PLAĆANJA NAKNADE

X.

(Izuzeća)

- (1) Od plaćanja naknada za usluge iz tačke VII. ove odluke oslobođeni su Federalno ministarstvo finansija – Porezna uprava i Federalni zavod za statistiku u skladu sa članom 11. stav (1) Zakona o Registru.
- (2) Od plaćanja naknada za usluge iz tačke IV. ove odluke oslobođeni su sudovi, tužilaštva, Obavještajno-sigurnosna agencija Bosne i Hercegovine, Državna agencija za istrage i zaštitu, Agencija za prevenciju korupcije i koordinaciju borbe protiv korupcije i Uprava za indirektno oporezivanje.
- (3) Agencija će za potrebe federalnih organa uprave, kantonalnih organa uprave i organa jedinica lokalne samouprave, u skladu sa odredbama člana 12. stav (4) Zakona o Registru, bez naknade osigurati kreiranje zbirnih i pojedinačnih analiza i izvještaja o imovinskom, prinosnom i finansijskom položaju pravnih lica - obveznika izvještavanja.
- (4) Na obrazloženi zahtjev Agencije, odnosno korisnika usluga, Vlada Federacije Bosne i Hercegovine ili Federalno ministarstvo finansija-Federalno ministarstvo finansija može dati saglasnost da se od plaćanja naknade za usluge iz tačke IV. ove odluke oslobodi korisnik usluga koji nije naveden u stavu (2) ove tačke, kao i od plaćanja naknade za usluge iz tačke VII. ove odluke da se oslobodi korisnik usluga koji nije naveden u stavu (1) ove tačke.

PRELAZNE I ZAVRŠNE ODREDBE

XI.

(Obračun PDV-a)

Na sve oporezive naknade utvrđene ovom odlukom posebno se obračunava PDV.

XII.

(Prestanak važenja)

Danom stupanja na snagu ove odluke prestaje da važi Odluka o naknadama za usluge Finansijsko-informatičke agencije ("Službene novine Federacije BiH", br. 34/18, 16/20 i 66/20).

XIII.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Federacije BiH".

Broj 01-02-2-4736-2/2021

29. decembra/prosinca

2021. godine

Sarajevo

Predsjednik

Upravnog odbora

Dr. sci. **Dragan Prusina**, s. r.

(SI-348/22-F)

KONKURENCIJSKO VIJEĆE/SAVJET BOSNE I HERCEGOVINE

441

Na temelju članka 25. stavak (1) tačka e), članka 42. stavak (1) u svezi članka 4. stavak 1. tačka b), c) i e) i članka 10. stavak 2. tačka b), c) i d) Zakona o konkurenciji ("Službeni glasnik BiH", br. 48/05, 76/07 i 80/09), u postupku pokrenutom po Zahtjevu za pokretanje postupka UP-06-26-3-011-1/21 od 10.03.2021. godine, podnesenog od strane gospodarskog subjekta Telemach BH d.o.o. Džemala Bijedića 216, 71000

Sarajevo protiv Arena Channels Group d.o.o., Vladimira Popovića 6, 11070 Beograd - Novi Beograd, R. Srbija, Telekomunikacije Republike Srpske a.d., Vuka Karadžića 2, 78000 Banja Luka i BH Telecom a.d. Franca Lehara 7, 71000 Sarajevo radi utvrđivanja postojanja zabranjenog sporazuma prema članku 4. stavak 1. tačka b), c) i e) i utvrđivanja zlouporabe vladajućeg položaja Arena Channels Group d.o.o., Bulevar Milutina Milankovića 9A, 11000 Beograd, R. Srbija prema članku 10. stavak 2. tačka b), c) i d) Zakona o konkurenciji, Konkurencijsko vijeće na 97. (devedesetsedmoj) sjednici održanoj dana 16.12.2021. godine, je donijelo

RJEŠENJE¹

- Odbija se Zahtjev gospodarskog subjekta Telemach BH d.o.o. Sarajevo, podnesen protiv gospodarskog subjekta Arena Channels Group d.o.o., Vladimira Popovića 6, 11070 Beograd - Novi Beograd, R. Srbija i BH Telecom a.d. Franca Lehara 7, 71000 Sarajevo radi utvrđivanja postojanja zabranjenog sporazuma prema članku 4. stavak 1. tačka b), c) i e) Zakona o konkurenciji, kao neutemeljen.
- Odbija se Zahtjev gospodarskog subjekta Telemach BH d.o.o. Sarajevo, podnesen protiv gospodarskog subjekta Telekomunikacije Republike Srpske a.d., Vuka Karadžića 2, 78000 Banja Luka i BH Telecom a.d. Franca Lehara 7, 71000 Sarajevo radi utvrđivanja postojanja zabranjenog sporazuma prema članku 4. stavak 1. tačka b), c) i e) Zakona o konkurenciji, kao neutemeljen.
- Odbija se Zahtjev gospodarskog subjekta Telemach BH d.o.o. Sarajevo, podnesen protiv gospodarskog subjekta Arena Channels Group d.o.o., Vladimira Popovića 6, 11070 Beograd - Novi Beograd, R. Srbija radi utvrđivanja zlouporabe vladajućeg položaja 10. stavak 2. tačka b), c) i d) Zakona o konkurenciji, kao neutemeljen.
- Odbija se zahtjev gospodarskog subjekta Telemach BH d.o.o. Sarajevo za naknadom troškova postupka.
- Nalaže se gospodarskom subjektu Telemach BH d.o.o. Sarajevo da na ime troškova postupka isplati gospodarskom subjektu Arena Channels Group d.o.o. Beograd, Republika Srbija iznos od 1.263,60 KM KM u roku od 8 dana od dana primitka ovog Rješenja.
- Nalaže se gospodarskom subjektu Telemach BH d.o.o. Sarajevo da na ime troškova postupka isplati gospodarskom subjektu Telekomunikacije Republike Srpske a.d., Vuka Karadžića 2, 78000 Banja Luka iznos od 491,40 KM KM u roku od 8 dana od dana primitka ovog Rješenja.
- Obvezuje se gospodarski subjekt Telemach BH d.o.o. Džemala Bijedića 216, 71000 Sarajevo da plati administrativnu pristojbu u ukupnom iznosu od 3.000,00 KM u korist Proračuna institucija Bosne i Hercegovine.
- Ovo Rješenje je konačno i bit će objavljeno u "Službenom glasniku BiH", službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće je dana 10.03.2021. godine, zaprimilo pod brojem UP-06-26-3-011-1/21 Zahtjev za pokretanje postupka gospodarskog subjekata (u daljnjem tekstu: Zahtjev) Telemach BH d.o.o. Džemala Bijedića 216, 71000 Sarajevo (u daljnjem tekstu: Telemach ili Podnositelj zahtjeva) protiv Arena Channels Group d.o.o., Vladimira Popovića 6, 11070 Beograd - Novi Beograd, R. Srbija (u daljnjem tekstu: ACG-a), Telekomunikacije Republike Srpske a.d., Vuka Karadžića 2, 78000 Banja Luka (u daljnjem tekstu: Mtel) i BH Telecom a.d. Franca Lehara 7, 71000 Sarajevo (u daljnjem

¹ Rješenje objavljeno u "Službenom glasniku BiH", broj 11/22